

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 450078 23 St
Tuzla, 20.12.2023.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „Žitoprodukt-Mionica“ d.o.o Gradačac, ul. Mionica bb, koje u svom sastavu ima podružnicu „Mlin Špionica“, ul. Špionica bb, Srebrenik, nakon provedenog prethodnog stečajnog postupka donio je dana 20.12.2023.godine slijedeće:

R J E Š E N J E

OTVARA SE stečajni postupak nad imovinom dužnika „Žitoprodukt-Mionica“ d.o.o Gradačac, ul. Mionica bb, koje u svom sastavu ima podružnicu „Mlin Špionica“, ul. Špionica bb, Srebrenik, MBS:1-13054, JIB:4209651690006, račun broj: 1941152148600141 kod Procredit banka d.d. Sarajevo.

Za stečajnog upravnika imenuje se Hazim Huskić iz Gradačca, ul. Ledenice Gornje bb.

ZAKLJUČUJE SE stečajni postupak nad imovinom dužnika „Žitoprodukt-Mionica“ d.o.o Gradačac, ul. Mionica bb, koje u svom sastavu ima podružnicu „Mlin Špionica“, ul. Špionica bb, Srebrenik, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 450078 23 St od 21.09.2023.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva dužnika „Žitoprodukt-Mionica“ d.o.o Gradačac, a za privremenog stečajnog upravnika imenovan je Hazim Huskić iz Gradačca, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 23.10.2023.godine. Iz izvještaja stečajnog upravnika proizilazi da je navedeno preduzeće obavljalo djelatnost proizvodnje mlinskih proizvoda sve do 2013.godine. Sjedište društva je bilo u iznajmljenim prostorijama a direktor društva je bio Hamid Rabić. Društvo nema zaposlenika, niti pokretne i nepokretne imovine. Računi društva su blokirani, a društvo ima obaveze prema PU FBIH, KPU Tuzla, po osnovu poreza i doprinosa, zatim po osnovu kredita kod banaka i obaveze prema dobavljačima. Privremeni stečajni upravnik je utvrdio da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju, kao i da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 07.11.2023.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 6.673,00 KM na ime otvaranja stečajnog postupka, iz kojeg predumjerenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 89/23 dana 17.11.2023.godine, oglasnoj tabli suda dana 08.11.2023. godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu preduma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBiH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.

